

LABURREAN

SANTURTZI

Posta langileen eta enpresearen arteko bitartekaritza eskaini dau alkateak

Javier Cruz Santurtziko alkateak Posta langileen eta enpresearen arteko bitartekaritza lana egiteko aurkeztu dau bere burua. Sindikatuek salatutako langile eskasiak arazoak eragin ditu Posta zerbitzuan. Atzo goizean batu ziran alkatea, sindikatuak eta hogeit egunez Udaltxearen aurrean manifestazioak egin dituen langileak. Santurtziarrek posta zerbitzuan jasandako atzerapenak kritikatu ditue.

SESTAO

6.000 ikusle batu ziran Nazinoarteko Txontxongilo Jaialdian

6.000 lagun batu ziran Sestaoko XV. Nazinoarteko Txontxongilo Jaialdian. Zemen-diaren 23tik abenduaren 2ra arteko ikuskizunek arrakastea lortu eben nagusientzako emonaldietan, 4.000 ikusle, eta umeentzako beren beregi gertatutako saioetan. Udal iturrien arabera, «jaialdia finkatuta dagoen seinale da hamar egunetan aretoak ganezka egitea».

Txabarri, Baños eta Simondrogas auzoetan, segurtasun neurriak

Segundo Calleja Sestaoko alkateak jakinarazo daue-nez, Txabarri, Baños eta Simondrogas auzoetan patruilak egiten hasi da Udaltzaingoa, segurtasun ezaren arazoei aurre egiteko. Baño-seko komisariako zazpi poli-ziak eta sargentu batek goiz eta arratsaldeko patruilak egingo ditue, oinez.

GALDAKAO

Virgen de la Vega langileek bertan behera itxi dabe grebea

Virgen de la Vega Nagusien egoitzako langileek hamabi egun iraun dauen grebea bertan behera iztea erabagi eben atzo. Kaleratutako bost langileetatik hiru barriro hartzeko akordioa lortu dabe eta lan baldintzak arautzeko oinarriak ipini. Bestalde, beste langile bik kalte ordai-na jasoko dabe.



EGUNKARIA

AUKERA GATXA. Jostailu egokienak aukeratzeko aholkuak emongo ditu Eroski Fundazioak.

Jostailu amestua

AHOLKULARITZA ZERBITZUA. Eroski Fundazioak umeen jostailuak erosterakoan kontsumitzaileentzako aholkularitza zerbitzua ipini dau martxan, Gabonetako opari sasoiaren aurretik

Hasier Rekondo | BILBO

Gurasoek beti esan ohi dabe eurek egiten zituela jostailuak, egurra, harriak edo hostoak erabiliz. Premineak sormena lantze-ra bultzatzen zituan umeak: jostailu, jolas eta jokoak asmatzera. Gaur egun, oster, jostailuak ez dira eskuz egiten. Etxeetan umeen gelak dendetan erositako jostailuz beterik dagoz.

Jostailuok erosterakoan gurasoei aholkuak emoteko helburuarekin, Eroski Fundazioak Aholkularitza Zerbitzua ipini dau martxan, laugarren urtez. «Aholkularitza zerbitzua kontsumitzaile guztiei zuzendutako zerbitzua da, jostailuek daukizan onura ludiko eta hezitzaileen

ganeko informazioa eskainiko dogu», adierazten dau Jol Gisasola Fundazioaren teknikariak.

Prisma, gizarte eta hezkuntza zerbitzu eta proiektu enpresako 104 langilek eskainiko dabe informazioa zuzenean, 55 hipermertakuetan. Honezaz ganera, kontsumitzaileek 902 44 34 00 telefonora deitu leikie.

«Jostailua aukeratzeko, oso garrantzitsua da dibertigarriak izan behar dirala jakitea. Era berean, hezitze gai dirala erakutsi behar jake umei», Susana Aperribai Prismako zuzentzailearen esanetan.

Aperribairen eritxian, gurasoek umeen segurtasuna zaindu behar dabe. «Europako Batasuneko adierazgarria euki behar dabe, seguruak dirala

ziurtatzeko. Geroz eta inportatutako jostailu gehiago saltzen dira. Ume txikiei jagokenean, pieza handiekin landutako jostailuak izan behar dira, ahoan ez sartzeko».

Umeen maitasuna erosi

Guraso askok umeen maitasuna erosten dabe, neurri baten, opari mordoarekin. «Erosi eta gero, guraso askok ez dabe umeen olgetetan parte hartzen. Jostailua ez da erostearekin amaitzen, euren bizitzetan murgildu behar gara».

Laugarren urtez jarraian martxan ipini daben zerbitzuan, ez dabe jostailu zehatz bat erosteko gomendiorik eskainiko. «Ez da gure lana. Indarkeria sustatzen daben jostailuak erosi lei-

AHOLKUAK

Jostailuak aukeratzekoan, erantzunkizuna

Prisma enpresako Susana Aperribairen eritxian, erantzunkizunez jokatu behar dabe gurasoek jostailuak aukeratzekoan.

DIBERTIGARRIA. Guraso askok umeek ikasi daien erosten ditue jostailuak, baina guztiak dira hezitzaileak.

SEGURTASUNA. Europako Batasuneko adierazgarria erostan behar dabe, bestela, ezin dira merkaturatu.

ADINARI EGOKITUTAKOAK. Ume baktaren adina izan behar da kontuan, jostailurik egokiena aurkitzeko.

UMEKIN OLGAU. Jostailu mordoarekin umea erosi beharrean, umeekin olgau egin behar dabe gurasoek.

JOL GISASOLA

Fundazioaren teknikaria

«Jostailuek daukiezan onura ludiko eta hezitzaileen ganeko informazioa eskainiko dogu, zerbitzuan»

SUSANA APERRIBAI

Prisma enpresako zuzendaria

«Jostailu dibertigarriak izan behar dira, batez be. Era berean, hezitze gai dirala erakutsi behar jake umei»

kiez, guk indar jolasen arris-kuen ganean informazioa emoten deusagu, ez gagoz saltzeko. Ganera, ezin dogu errealidadea sahiestu, beti salduko dira pistolak eta metrailetak», zehazten dau Aperribaik.

Joan zan urtean, 120 mila kontsulta jaso zituan Eroski Fundazioak. Gurasoak ardurata dagozala adierazten dau kopuru horrek. Fundazioaren helburu nagusia, erantzunkizunez erosten laguntzea da. Jostailua erosterakoan dirua bakkarrik barik, umeen ametsak be jokoan dagoz.